

擇石齋持集

藥石齋詩集卷第四十五

秀水錢載坤

恭和

御製雪元韻

臘雪乘時實三白

冬至日大雪後復微雪註  
立存前十日雪積四寸

聖心五夜喜臨晨麥助被墮安村舍梅片漫山拓地垠萬國  
兆豐唯所澤

九霄涵煦卽吾民邵雍可悟春都是泰象今開

百歲春

御製三十六宮都  
是春注日用邵子句

題詞卷三首

驛壁流連便繫恩詩人心性摠難言芭蕉却到黃昏雨不記  
城南是沈園

吳郎豈要賺清詞，祇恐無端把玉卮。  
王謝堂前新燕子，宣和殿裏小宮姬。

由來二月月將三，妙伎當歌儘自諳。  
和淚匆匆在羅帕，杏花春雨憶江南。

壬寅

恭和

御製經筵畢文淵閣賜宴以四庫全書第一部告成度閣內  
用幸翰林院例得近體四律首章卽疊去歲詩韻

元韻

仲春閣下廣筵列，方沼庭中晴晷移。

親校克踰萬籤富，加詳耐向十年遲。  
酉陽汲邠雖多秘，芳館蓬山不少私。  
甲乙景丁苟妨采，慶先一部副昌期。

語曰先難尚矣哉繼今三部速陳來經天緯地丹鉛出裕後光

前竹素該芳醕禮行 皇嗣酌玉階

恩殖衆臣材集成自有圖書後 講殿澁趨宴賞陪

十八瀛洲學士歌大羅天雨曼陀羅陽春養物歡無量

聖主崇儒吉有他持較漢唐難較是臣放漢天祿閣唐集賢殿猶遜于今陋如永樂

得如麼讀書兩字

躬行足稽首

乾元蘊太和

河東待問非三篋太史書功欠一籌 內出頻繁露

賜徧晚歸鄭重笑攜不

特從 孔子尊文藝槩與前朝闕謬悠高閣澁澁羣玉府

天家清氣萬年留

馮相國檀藥草堂賞海棠

蜀道風光夢去除，  
檀藥依舊見明霞。  
春纔病起能傷客，  
我已詩慵欲負花。  
欄影自深禽語靜，  
柳絲不少鬢絲加。  
縱無樊子歸相憶，  
未遣貧中讓白家。

白詩病與樂天相伴住春隨樊子一時歸  
又貧中無處可安貧又的應勝在白家時

恭和

御製幸避暑山莊啟蹕之作元韻

頤和本是心無暑法

祖端宜歲有行萬禩，  
涼臺臨佛國七程。

迥寒護神京  
啟蹕山

莊歲以七日為程

天風綠野斂輕靄，  
夏雨青林開早晴。  
村落歡瞻祝

多壽最知三祝見民情

恭和

御製過懷柔縣詠古元韻

書云乃武文詩曰允文武大哉我

皇文武二柄兼馭外廓基光

烈祖

視邊近出五柳城彈汗懷柔唐跡撫重爲

誥誠貞觀開元武剛文柔各有偏剛柔得中則可久可至哉

豈惟二柄兼所其無逸敬作所

聖化風翔不記里伊犁遠訖無踰此廓乎漢唐宋遼金元明

而中外定於一蓋智周乎物情之千萬什伯與倍徒執中用

中應乎中天下歸仁先克已是以任賢文武惟其人關門明

目更聰耳

恭和

御製常山峪行宮三疊舊作韻元韻

青石梁趨後常山峪倚前萬松平谷裏一水濕雲邊舊徑還

登履新書恰對筵

聖之時以學

仁者壽於年峯慣相迎起花仍自愛妍寒垣浚締梅

祖澤大承肩

恭和

御製永佑寺瞻禮元韻

壽皇殿闕展儀崇

安佑宮澗

孝享衷

神御禮行皆愛懋

山莊地創復

親躬

古稀天子今瞻

祖六十一年長繼風何論衣冠漢原廟不將宋代景靈同

夜涼

夜涼雨初止天迥露微零山不響羣壑樹無飄點螢葛衫統  
扇老苔壁石堦廳使及曉趨直崗殊門引鈴

得世錫

書卜以九月二十六日葬其母夫人於嘉

興縣九曲裏之新阡感成追憶詩二十九首寄焚

墓前

夢醒人自過灤陽今夜壬寅雨後涼乙未君猶帝城住勿

匆已亥在江鄉

乙未己亥歲皆尾從燕河



一世驚爲死別分六時心斷那相聞來生便復生同室已是  
何人不是君

喪歸無恙賴神明河水東侵八牖行邸舍家門心孔棘寒風  
竟泊秀州城

生未曾居數

去聲

使然諸雛百福巷方遷回溪老屋稱新婦浚

仗漂搖廿許年

哀哀我母殯于堂跪與亾姑櫛髮長行次外州君殮矣此心

那不此生傷

夫人卒于七月十二日服  
奉使江南是日次高唐州

風雪還家父病危一言火急藥鎔時丈夫牖下何須淚家事

無專汝婦知

十八年纔京國同旣歸復至雪飄風濟南四照樓前水大段

梳頭喫飯工

吳諺云十月工梳頭喫  
飯工蓋言日之漸短

豈有剛腸使耐貧，篋遺破襖痛吾親。  
宣南坊底年年雪，未索溫裘一被身。

安間銅簪伴木梳，一巾盥嗽十年餘。  
北行隔歲書陳几，歸日

依然未徙書。

元年丙辰應詔北上

本訥居然不自娛，兩家父母謂言殊。  
弟兄姊妹年來少，八秩惟應望六姑。

回門癸丑食猶寒，惇裕堂前種玉蘭。  
五十年來花已大，外家

風景問平安。

吳俗嫁女初歸曰回門，人之嫁外舅外姑前卒。

池環榆柳岸，園桑好是君家宅。  
外廊不記雙雛隨，母立向南

連畝菜花黃。

雙雛時別世錫鴻錫

祖母南山葬，甫寧中男病天。  
哭零丁阿鴻，此際應扶母，難道

身低尚八齡。

鴻錫之天四十一歲

小兒女慣破新鞋手線風簷闕日皆已矣昊天無報答我生豈不免於懷

南山葬母是家山明歲全家一櫬還癸亥暮春春日霽先墳

曾拜萬松間

先妣葬以壬戌先公卽管壽藏其山近六世祖孝廉魯南府君墓五世祖戶部巨源府君墓兩山之右坡麓連屬古松齋松萬株

家忌陳籩攄不忘一如我母教兒行城南除夜懸先像最是更衣出後堂

褊性狂生負舊門太常侍御疏空存窮愁爰罵嘗相及詩酒而今悔莫言

二人甘苦幾曾安也儘妻孥不餒寒今日脊梁猶未斷算來

輪卻一生難

難斷脊梁

君嘗語我苦爲人願力來生作樹身稽首虛空靈復我是人

非樹又何因

病憊焉知沸藥爐太平關夜禁烟孤家山不夢渾如夢破

君今夢定無

庚子載奉

命告祭于秦蜀二月二十九日清明過平陽宿

以是日嬰危疾也

起坐三番切與箴歸來蜀道病旋深書房向後言毋慙寸

屨猶關事國心

苑東寒食直廬晴來看山光杳莫明白髮青藜車一輛攜孫

纔此出城行

夫人居京城十八年惟丙申春月出城

四照樓高涉水流八窗飛翠碣華秋買船南下臨當別自說

看山更上樓

滾院閒庭見種花丁香桃杏刺梅奢濟南別後還京住花在

鄰墻隔一家

安橋曲曲水連鄉聞道南還輒葦杭辛苦一蔬錢氏女白頭

上冢見爺孃

夫人丁酉還家以戊戌清明至安橋祭外舅淡圃先生外姑沈孀人墓

聞將起冢蔭松柯有日親朋送我歌  
癡想月明風雨夜不難無米紙錢多

近西作舍白雲扉登堊丹楓要四圍  
寒月子歸雙燭下豈知

此地是真歸

已丁寧諸子來墓種松松外四圍種紅紫樹

我北君南斷續緣流塵想見故房邊  
小樓月午窗櫺白不得

同看竟卅年

歸日相尋一短筇便留西舍老如農  
社醅若可治雙耳曲片

蹣跚過聽松

題後三首并寄

零星掇拾漫云云大體猶存畧似君  
那不生時常與說今朝一紙墓前焚

諸兒諸婦哭聲吞一女諸孫又外孫向墓慄颺君且策平生  
此舉尚知恩

只當秋風酌一杯水流應不比腸迴他時葬我詩誰寄方相  
前頭自唱來

種草花

山鄰我猶客市擔草皆花雨裏雜紅翠牆陰連整斜酒慳惟  
茗對畫嬾且詩誇武列水東館生涯何有涯

埋老馬

塞天牧可放夏月草寧腓翼鏢方縈策虺隤乃脫鞮幽厓坎  
深掩落景僕遙歸折髀亦爲福淮南曾所希

再種草花

昨宵秋已立七月朔將新顏色憑花擔工夫替草茵戒慵嬉

細事圖暢健閒身更汲門前井皆成塞上春

恭和

御製寫心精舍元韻

超然書屋名穆矣

聖心寫河歸舊川兮惠以蘇民也北口青龍岡築濬歲繁惹  
曰谷南岸更萬福來可把斯民

祖

宗民

承家之大者雅詩歌是宜君子見弗捨

恭和

御製烟雨樓對雨元韻

非雲非霧雷先鳴重檻

賞值天瓢傾撒玉千疇水稻色跳

珠一沼風荷聲高明臺榭舞山翠左右圖書流顯晶幸是滌  
湖蒙攬勝署眉采八

御園名

恭和

御製題文津閣元韻

書庫初成宴早成依前

勅準館中卿二三四部六年竣寫校編官

親覽程文溯充惟盛京送

山莊貯並

御園蕪臺西有月高多趣閣上重傳翠墨盈

恭和

御製哈薩克馬元韻



我邊伊犁西北哈薩克遠暨土爾扈特部各傳哈薩馬蕃許其就暖牧南並土爾扈特近我邊兩部來服先哈薩游牧就暖年復年去冬馬佚土爾扈特地雪花如席乃致牛蹊田其王察知鄰馬告邊吏擒爾巴哈地名大臣入奏焉

帝嘉土爾扈特王之克恭順爰

詔哈薩克人領其多馬還昭獎

賜幣外藩式

作歌紀事中誠宣維

皇脩和應枹鼓保我烝庶除橋虔薄來厚往親以禮留屯殖穀邊無患兵之雷霆萬里懾德之雨露萬國安陋彼大宛之徠非今哈薩產可較舊以哈薩克產馬多謂即古大宛御製有讀史記大宛傳詩早辨其訛何況還馬

馭遠

聖化之大參

昊乾

恭和

御製題所仿倪瓚獅子林圖五疊前韻元韻

獅子林圖秘石渠

御臨全得逼真書賦之論畫神惟似瓚可與言

曰起予

題已五番申大雅

御製元韻曰  
圖成題已五番書

園非獨樂甲姑胥鳴謙貞吉

撫謙利萬化心如一藝如

蘇石齋詩集卷第四十五

礪石齋詩集卷第四十六

秀水 錢 載 坤 一

山莊書房入直

麗正門趨曉靄蒼高齋別院進西墻宣于

便殿垂詢悉奉以聞身聚學常

家法萬端勤且儉文心千古漢還唐庭柯葉茂

先朝植山鹿鳴初孟月涼

散直

散直歸來野趣憑喜無塵土奈多蠅鬪珊弁謝衢州祝寂寞  
聾叨許縣丞淡坐衿衣羣岫列早秋虛院碧霄澄吾家烟雨  
樓前水十里涼風正采葭

恭和

御製晴碧亭憶舊元韻

東方升日日華晴午運開天天宇碧

聖齡十二承

祖恩早侍山莊

賜山宅近亭臨水迓

蘭舟聞

語呼名下雲壁

眷以安趨寧厥躬

仰惟

慈念深當日亭陽萬壑松風山松今合抱山猶昔白頭宮監

無舊人維茂

龍姿光

敝質六十年遙 敬不忘億千壽大勤無息前壬寅甫今壬

寅

後聖德如

先聖德

恭和

御製題戒得堂元韻

堂記初鑄更與詩 道心相感思隨時 聿觀新構仍懷

祖誕保

前模尚振詞蒼薛鋪庭平若薦濕雲繚樹輒同披

聖惟戒得超常解請雨如期輒得之

恭和

御製古松書屋作歌元韻

有松有松栽何年輪困磅礴無其前青牛老子之樹旣瘦且  
禿莫與齒黃帝手植之栢至今葱翠可比肩

御園幸際

聖人賞蒼穹上摩厚地蟠松芳松芳感所緣一室方丈濃陰  
開今辰

古稀天子拈此示我

佛如來微笑爲便旋非惟參唯賜然初幾無字傳  
至人心鏡朗圓照一如天之何言而於松適寄焉

恭和

御製偶見元韻

聖人憫麀作是詩民如赤子保弗委親民不若秦西巴豈不  
屬毛不離裏官如酷吏史且傳去聲境無苛政婦不徙

仁心及物去害民豈惟去之寘之死林中斑鹿仙圃遊銜草  
鳴麕駭其耳畏人捨麕逸其母莫能相顧豐草美 肩輿看  
山適見之不忍其母棄其子

命人守視頃焉報母來領子兩完矣不忍政根不忍心孟子  
牽牛仁術是禁麕射麕禮各然吏而忍民乃如彼凡不憫麕  
具告此

恭和

御製霞標弗待月元韻

霞標之臺登待月廻馬下山昔則然山流素光任屈曲馬踏  
清影煩盤旋

親御鞍馬

講武必夜遊可采方朔焉

御製元韻曰萬山之中  
夜跋馬自覺盤旋周旋有

如衛楨亦何要身先  
戶習武寧渠湖此焉

臺端待月今則否玉鞭金鐙夜行止是日肩



興上翠微 新情舊緒題相語 宜文宜武操永圖可逸可

勞誠偏喜

古稀天子慎身脩宣于山月道至矣一日千里用以時惠養

驪駒與駉耳

恭和

御製批摺元韻

中外 奏用摺

御下執其要何分甲乙夜

親覽歲彌劭厚生穀攸先時雨豐乃告高者雨勿旱下者雨

勿澇今茲大有書溥暢田歌調六月三旬間五風十雨膏應

禱或速遲催耕如好樂京畿十五省邊部迭奏報于胥勃然

興未有不曾到

殊批軫復深夫豈言語約時雨幸時賜如淖那弗淖  
穹蒼咎惟馨岳牧敬無傲

恭和

御製蒙古田元韻

邊氓耕獵牧三者不可去蒙古變忘舊乃惟力播穫叶昔時

靠天收猶不廢獵牧

叶恭繹元前蒙古舊俗種田畢命之去不復耘及秋穫之日當笑收

國家設用之從征在軍務農而不習武是宜善所慮洪惟

文皇朝大勲紀掌故蒙古實先服勅者使備豫今聞青海嬉

嘗信黑帳懼

黑帳房番人

耕稷何不爲獵牧何不作

題者青海好飲偷安番人不種不之畏特

被劫奪蒙

天恩

厄魯特諸部獵牧豈其除給之暖地耕飽則

遐情固如村版升稠依山種落庶

叶恭繹

御注蒙古語土瓦川屋曰拜牲明人說爲版升 馬

爲邊外風近同邊內趣

皇心顧以籌邊部還其素射獵畜牧勤兵卽農隙寓爾田報  
有秋舊俗重

宣諭

恭和

御製上駟元韻

天蓋而地輿四時則爲馬陰陽以御之淮南辭蓋寡牧與御  
道殊歸之皆馭下牧善斯御善藝二道一也卜式謂治民猶  
牧固猶若叶愛馬喻莊周乃弗筐娠舍敬誦

上駟扁時乘月維夏物理適在觀蠅附驥如訝叶清塵風自  
清或亦蚤蚤惹禮難天駟隨麾以玉塵把方其秣天閑適然  
僕緣且愛而常過之頃同不及者是心歌宜頌是心歌宜雅  
尚乘職惟勤攻駒力母假用愛權其中穆然

聖心寫

恭和

御製題鏡香亭元韻

靜觀

戒得堂陰沼心鏡如斯本不磨相印光明照天月自涵芬馥  
出風荷柳絲傍檻還如拭翠羽窺奩漫作窠富貴有那無隱  
者不惟君子采芳多

恭和

御製助夫元韻

帝寫愛民心如寫薰風絃北堤繕且蓄南渠改而穿公役無  
私役新川歸舊川增防作重隄掘地輟民田爲民以棄地仁  
經乃智權百六十里餘夫少力恐縣河方脩是亟夫方多又

難河南請助夫直隸山東連爲民復爲民惟

帝籌其然山東水侵矣直隸歲豐焉不豐役代賑無水役徒  
艱下將勞民往

上祇愛民遷及秋催未歲涉冬展何愆必勤完一闕毋迫善  
兩全工興多給直

家法常承前給直心仍憂減夫心特傳豫夫力從容免使鄰  
如遷東役更議之比役速舍旃我民皆所愛我民皆所憐初  
權輕重際再權緩急間萬國

聖皆仁于茲適見端山木則自寇膏火則自煎民奚若于河  
濟靈福早延濶濶渠旣通高高隄旣堅

翠華望

臨觀休役我車煩桃花岸南北漁者歌春瀾

恭和

御製清舒山館元韻

聖祖早建儲晚猶勗承慶

感額于  
內書堂曰承慶

皇天在萬年

聖繼復繼

聖萬年以繩繩世寶

大寶命仰聆

山館篇重

語後來聽儲宮昔此居撫跡可弗傲大哉天下家惟肖在能  
敬有道信云常于民又何病巖巒望豈遊結構思方柄松宇  
秋落濤月庭夜懸鏡

恭和

御製河源元韻

聖治運天綱乾惟大德四懷柔歆百神無疆利行地治河今

接源沉璧夙有事必于源禱神壬寅遣使祭使還圖以陳

親覽按其至廓增舊所傳沿溯真斯俯星宿海超超鄂敦渚

爾是叶星宿渚海即海也涌泉綠千百黃則不可謂惟一西南河

黃金義托寄其水色黃金三百里獨遂屈注星宿海上流無

雜厠蒙古蓋稱曰阿勒坦郭勒叶御注蒙古語阿勒坦即黃金郭勒也由此達更

上其西大取義北極星石高亦緡蒙古字上一巨石高數丈名阿勒

金卽色端倪契其上天池噴黃金色潭積川下趨黃金河一

源出不二

鴻文正獄瀆精鑑豁蒙翫河方導復疏九曲來萬里叶并川

千百渠其流誠匪易黃金河之上天池黃金色叶探源可治

流惟

德馨乃致元史星宿海始見名弗異爾雅崑崙虛色白殆漢

記

臣謹按張騫傳窮河源天子名河所出山口崑崙崑崙云則爾雅河出崑崙虛色白已竄入漢人語

至于東北隅莫證恐猶

偽

山海經云出于崑崙之東北隅實爲河源則又沿爾雅也今說皆以元史所窮星宿海訛譯曰火敦腦兒者爲是但元史地理志僅得星宿海未至星宿海以

上遠藩僻境收新蹟靈源示河寧萬福同

天賜賴

君賜

曹侍講仁虎招同曹少卿學閔張侍讀燾程編脩

晉芳陳編修崇本飲

頻年旣于役內直况有恒遂踈城南侶莫得好會徵髻霜已如許實賴同道朋周旋幸相假言笑尚克承少卿昨見客庭



院瓜蔬塍君家汾水陽野興乃爾憑今朝錫壽堂易主凡幾  
登黃花後軒列返景西偏仍停觴亦非醉攬緒忽在膺雙童  
但解事捧硯張華登白朱學使竹君殿後及今秋稍涉文燕

補作重陽會於獨往園

西城霜信發林泉南市津門到蟹螯三日已愆仍此地十年  
常會屬吾曹青山閣上吟猶健紫塞歸來飲更豪俯仰不知  
身是客相尋何必爲登高

對雪

梅花柳絮不同時臘近春生又見之歷落每成高樹戀飄翻  
如解故園思風前尊俎禁雙鬢月裏山河徹四垂開拆海紅  
窠石畔水仙作配趙昌知

上書房詩課盈冊和作三首

詠雞缸

金缸鼎百玉缸千只欠成窯畫彩鮮芳草鬪雞春興托新城  
秀水舊聞傳萋迷江漢閒游女濩落清明劇少年今夜一杯  
歌一闕白頭起舞雪花前

太平鼓

輓得圓棊繭紙輕左持右擊伴童嬰喧如答臘高低節響徹  
珊珊內外城白索戲連仍習俗唐花催徧應升平那知燈市  
今年盛燕九前頭不住聲

雪水

陰凝爲雪消仍水商畧春芽別有情耐冷非夸陶學士歸眞  
不幻耿先生何妨品落山泉後張文新記錄  
小第二十政要詩隨石鼎成歷  
遍崦梅三百本冷冷澗道汲來清

次韻奉答馮相國十一月晦日雪保定見懷

暫鎮三持節新吟六出花金臺梅信未白髮墨行斜城靜如

聞展堂深已放衙座中應有士知不

劉義相國奉命

三攝總督直隸

酌查大中丞禮同曹侍講仁虎陸大理錫熊集程

編修晉芳齋

今夕相呼醉尚能蕭寥容易見飛騰銅街訪舊爲歡暫巴徼  
從戎出險曾開府勲名自青史鄙人心眼只紅燈湖南歲稔  
宣醲化岳頂雲收拄瘦藤

稗石齋詩集卷第四十六

釋石齋詩集卷第四十七

秀水 錢 載 坤 一

癸卯

三月四日清明石安門南甲午修禊處感朱學使  
筠

青山忍思歸白髮猶戀恩出逢墻間祭適趨海子門已催路  
柳色未回沙草痕舊遊旋軫係獨佇橫襟煩瞻林有斜暉藉  
地無清尊方橋自佺佺曲渚還沄沄降才良不易績學尤難  
言中道失斯人眞宰知其原淒淒此山陰漠漠彼蘭蓀和風  
亦相煦落英徒爾繁

歸舟述四首

際

聖拔於衆被

恩休以老微軀曷堪勝迅尋徒自保

帝德大日新化成隆久道晚達受

鑒知

庚子冬被錢穀本係晚達

吉陽春備小草報答寧有待科名雖不早今

猶叨

雨露未卽就枯槁

徒叨

主上恩實闕進退思七閏十九歲一日十二時豈無一刻心

豈無一事知迂踈偃仰謝薄弱蹉跎隨古賢傷不遇遇矣今

何辭不能由自棄自棄難有爲

依依不可釋切切何能據豆病秋發舟水逆風鳴渠棗熟山

東晚楓落淮南初迴瞻北州郡一一遠以踈毛羽且知報鬚

羞羞弗如

禁門闕五更冬雪徒冠裾

來年

翠華巡江國方六度三月嘉禾

臨十日

聖因駐願如滌湖水復似蘇堤樹碧湖承

御舟金縷翹

輦路臣身及蕭衰臣心比童孺切切重依依仰

聖感深遇

蔣侍郎贈盆桂舟中盛開

放纜隨千里分叢及二旬都將心與送憑以夢爲因露曉曾

添葉根盤不受辛

裴與安辛盆詩  
李宮石盆句

故山天意厚芝菌靜相鄰

東昌待牖

汶來須不淺銜尾度糧艘晚飯黃花菜秋風白氎袍歲知東

郡稔天仰北辰高有慶瓜低蔓河渠伏故槽

李海務待牘鄒給諫夢舉歸舟至奉簡

司業好兒郎黃門合返鄉餞余纔隔月請假忽連檣津吏開  
三板秋鴻去一行東林如可訪短杖卓苔蒼

白髮

白髮何妨有丹心不可無功名豪傑事道德聖賢徒枕上蛩  
聲亂村邊燭影孤悠悠深自恥莫喚挽船夫

賤日

賤日難家室高天及子孫幾曾襄大務維是荷深恩 絲誥  
山陴醜秧疇海畔村來生安可必補報矢空言

翰藻

翰藻誠無益

乙未六月蒙  
上兩及之

恩召見于

山莊  
曰詩文竟足無益

恢張况不工人才

隆世道科舉做儒風孔子尊三策班書贊數公自聆  
天語

聖方企德先功

先壟

先壟山臨水高松露變霜掃除幾積蔓跪拜孰銜傷殖穀農  
斯上瘠官士豈良縱多陳楮鋤難一告幽堂

九曲

九曲灣環土一隈諸兒葬母未成堆他時薜碣題同穴去歲  
邊鴻寄永哀詩卽淵明難意表人非元凱有將來奢心松柏  
連楓柵近墓添教兩樹梅

謝鄒給諫

纏綿誰說萬緣空寂寞惟愁兩耳聾補以三餘追季直加於



六悔拜萊公穿渠汶水今秋淺待牖檣燈昨夜紅多謝道鄉  
賢後健隔船餉鴨使餐風

孤坐

百福巷將見宜南坊已辭兩頭兼所係一念鎮相隨孤坐日  
淡照長吟風緩吹飽餐還斷酒傳與子孫知

早起

遲眠非不許早起更無難盥嗽心先洗爬梳鏡只看神靈一  
芻狗日月兩跳丸來去終成有當前本是安

攜歸

攜歸晚香玉伴得兩丁香南國遠根徙西村新族昌將種之九册  
裏之四舍  
紫荆遍生意雨露有恩光如在鳳城日葳蕤皆馥芳

復述

初辭病葉難忘本已倦昏鴉合返林家事漫隨羸了定  
君恩常到默思深申祈

天慶綏千萬普昇民豐永自今盆桂船窗歌數數岸楓村旭  
伴駸駸

城裏

城裏明明徑堂前歷歷塵親朋自童稚翁媪到鄉隣曉井嬉  
擔水霜街叫買薪似聞盲嫗病九十歲過春

張嫗三首

方嫗侍先妣所生于世辭傷心一棺側抱我六齡時弟妹連  
年歿歸休獨向悲蒼天俛難老子女乃無遺

汲井晨扛共關門夜櫬同父遊兒塾外母代婢厨東家已珠  
兼桂天幾雨又風回溪堂上教應尚記先公

衰年七十八，嫗長舊人存。竹杖扶教緩，繡衣著使溫。慣勞身故健，多淚眼先昏。見日如追昔，心傷媿更煩。

憶西湖

斜日輕風燕尾船，桃花楊柳六橋烟。人生百歲常難得天氣，三春亦偶然。驚代麒麟真畫閣，戀恩鸚鵡孰題篇。鱸香蓴滑元相憶，不見西湖廿八年。

明年

上馬非羆虎，扶犁必草萊。寂寥三寸管，惆悵十分杯。韓愈詩中融，陳搏坐處灰。明年東海上，九日獨登臺。

卻晚馮相國

早聽詩名白，下門晚躋政府。數相論風期，澹泊平生事。夙夜虔恭。

主上恩花落北城深臥病雁飛南國遠傷魂去年猶補登高  
會何日重尋獨往園

憶檀藥草堂海棠

滿意看花病主人門深院靜不開尊風簾此際莊生蝶薛砌  
當年漢相茵七十已過公更長畫圖雖在樹休春當爲之傳將  
一掬無情淚灑與芳根散六塵

開牖

檣燈自相引牖吏亦何求節水回南漕愁風上北舟魚蝦前  
路賣梨柿遍村收李海務邊好孤吟十日留

馮編修敏昌銘端硯二伴椰杯二贈行卻寄以謝

編修欽州人一銘云筆食葉名山葉一銘  
云水巖之環匠琢之以佐吾師畫書詩

千秋已失九秋又六絕誠難三絕無北壁石誇南壁石人心

珠勝海心珠後先鄉里瓊山起左右衰遲璧友須椰子一杯  
花萬樹明年春好在西湖

食芋

旱薑水則芋喜得煨爐頭那必三年采諒云昨夜收種之根  
澱澱澆之涓涓流鋤之草莫生我本齊民優田居九曲裏雨  
移千竹修其陰樹短籬其下開長溝雜以慈姑屬連以小畦  
儔葱本韭薤區蒿芽蒜芡稠可食皆名菜從茲不外求霜果  
况早摘春醅亦已斃天晴出孤筇村近尋鄰叟多謝兩黃鵠  
歸歸行自謀

我鄉

口耳追前哲山川若我鄉正惟多德業殊不少文章逝矣顛  
毛白歸哉落葉黃平生無一可長水自言長

淺

一水分南北千艘視疾徐  
秋風戴家塢白老宋尚書  
長紵盤多力輕篙拉弗如  
泉源應偶短向亦歲浚疏

歸興

睡時不肯老如何衝曉張  
帆興且多靳口村聲連雨  
隱鄆州山翠拂窗過大樗  
漫托莊生社春夢休煩學  
士婆後牖已開前牖放吳  
歛一曲近鄉歌

靳家口

叱犢呼雞野色蒼靳家村  
小夾河長髮絲三十年前  
客堤柳陰陰尚未霜

出山東牖後寫望

天依山色平遠樹到春光  
二三雄鴨頭波畫舫誰能  
不愛江

蘼石齋詩集卷四十七

六

南

清口

乙亥冬經北寒風此乍歸簪裳虛十閨城郭有雙扉頻歲咨  
淮甸安流照

帝暉車螯如可買何必鯉魚肥

過露筋祠阻風夜雪

纔得北風利風號不可行祠荒村黯淡水急樹縱橫夜雪聞  
來驟家園積已盈歸心向江口寒柳認蕪城

野泊

左環江海右河淮白髮烏篷滯一涯大野狂聲風不定長空  
寒勢雪相借薄他明遠難行句謝爾柴桑快飲懷天地高深  
須警策梅花好自傍山齋

草堂

山屐茶瓢半有無老梅寒葉未踈蕪十年夢寐先人墓萬里  
歸來不肖軀北巷蟹行橋水縮南鄰銀杏樹霜枯 賜書  
賜帖憑開展聰聽如何勉令圖

甲辰

西城錢園祝氏買之雍正乙巳後故人文酒於此  
蓋二十餘年今唐侍御買之過而感賦

名園有主逢三易殘夢非癡更一來綠萼已枯猶臥蘚白頭  
相見且銜杯鶴洲廢定荷池涸倦圃荒應竹徑開扶石分泉  
成卻掃當年借作讀書臺

題石鼓亭

貢于國庠張氏燕昌手拓石鼓大成門旁持歸鹽官考校模



刻作亭覆之書堂之側同郡錢載為題其梁乾隆甲辰冬月  
維陽

乙巳

泛南湖

隨意江濱與海濱今年春似舊年春幸蒙一詔恩歸里敢  
以迎童乞得身缸面鬢頭唯對酒柳枝桃葉不須人東風好  
自吹襟袂覆載含容感極真

曹明經秉鈞貽漳蘭萼有品字者并以紙屬寫而  
題之

小巷坐思山雨涼幽人來挈瓦盆黃七閩隔海帆加駛三點  
成伊佛散香宣德紙膚瑩可愛鷗波亭蹟妙難方獨頭是一  
雙頭二對此且誇陳夢良

漳蘭以紫花之陳夢良為  
甲其夢多至二十有五

里中

里中朋友兄憐弟泉下朱陳祝與王甲子已周真破夢

雍正乙巳之變

癸年最小今重編乙巳

山川猶是獨歸鄉身如客舍歌三疊事有才人淚兩

行南郭明朝攜酒去過橋幾樹舊垂楊

戊申嘗集彪湖雨煮茶近處朱君之偶圖合鈔五家詩爲

一集曰南郭新詩

贈吳明府懋政

晚達幸同燒尾宴先塋俱在永安湖君爲廉吏還司訓歸以

惇師徧學徒貞肅祠堂今代及

先太常公貞肅并香火田七十畝

本朝賜諡

文章軌範

近來無

若近有天崇百篇之選

登高挿菊年年事海上青山兩杖扶

世錫歸

空疎媿亦玷清華復荷

君恩得返家珠桂力將妻子勉丹鉛心共弟昆加種桑後圃

勤除草栽果前庭緩著花犬馬他生難報答駒篇那不做無邪

擇石齋詩集卷第四十八

秀水 錢 載 坤一

丙午

蔣明經元龍食楊梅頃以紫液入幅成木芍藥花  
兼取庭草汁作葉吾家文端公首題之裝卷二十  
年色猶不減屬詩於末

楊梅子幻魏花香草汁還添葉短長畫者何人大游戲書家  
聖處本頭狂竹頭木屑非無用西抹東塗儘擅場我欲生綃  
開白朶摘來五月飽君嘗

獨坐憶故人

更無剝啄自書堂纔歇廉纖又夕陽何處幾家京洛舊酒邊  
燼下歲時長重重入夢誰歡噤一一沉泉獨黯傷西舍梅花

韓石齋詩集卷四十八

開已落杏花還與照東墻

末句爲故人之存者最相望也

陳太夫人魚籃觀音像

何緣觀世音而證是菩薩衆生稱其名苦惱卽解脫菩薩心  
大慈解脫速普施奈彼失心徒而轉苦惱爲像之或魚籃贊  
者宋文憲今瞻所提如敬欲一花獻早侍太夫人承啟堂西  
墻食貧畫以供補紡印尚藏喬木半邏村祖澤遺忠孝賣畫  
米斯買養先後則教康熙己巳冬莊嚴相適成其年歲三十  
懿惟庚子生文端生丙寅是年方四歲敷榮子逮孫左券艱  
難際乾隆丙午夏墨采將百年載年七十九媿莫振我錢母  
德

聖王嘉屢詢

召對及常時輒不忘萬感茲辰集五香根再薰一句一見心

申讚太夫人合掌觀世音

題蔣明經元龍戴笠圖

羊求徑外遠清渠，囊毅堂東問舊廬。  
越俗擔簦聊復爾，蘇公着屐定何如。  
流傳詩句惟搔鬢，教授生徒不曳裾。  
好在奎章羅帕上，江南春雨杏花初。

君家並頭裝毅宅白號春雨

百福巷作

乳雀庭空迅晷遲，綠陰風動葉翻枝。  
自傷晚達難驅策，實感深恩有鑒知。  
屋便安忒歉歲

三朝生長報何時，遠書孤姪山東至。  
苦說河南接壤饑

春花好

吳詩以蠶桑及茶萱子多收謂之春花好

鄉農入郡喜云云，菜葢先收已十分。  
蠶熟底妨桑葉貴，麥香行覺稻花聞。  
種用厚水民恒業，平糶寬租歲

聖君疊布

詔恩

蒼昊答愼司能不體憂勤

縣南

縣南澆巷有微霜隨意寒花着小堂日在師孃橋外住不知  
宋代鄭師孃

永安湖坐雨

湖岸有山難力登海門矯首陽烏升白梅花照青松樹狗毛  
雨生雞腳冰薄酒何如千日釀短筇不及萬年藤悟空寺遠  
鐘無響支傘猶來乞食僧

永安湖北岸守先墓人獻大土地

郁老造新屋越歲祀神雨我來丙舍脩雪風歲暮矣當門宰

猪羊呼兒捉鷄鴨春林酒已熟灌畦菜方甲小除前二日燒

紙來鋪陳

不俗男坐謂之成紙先生

几筵高及下像設身自尊北極諸天供孤

南一星真補陀釋家佛武當道家神近海海入江海潮稱之

王赤兔馬壯繆鐵如意文昌施相公助運元總管隨糧元壇

方聚財猛將方驅蝗響花方太歲秉笏方城隍三層森羅儼

兩廂悉數遶土地末坐陪牲醴大報穰燦竹轟雷爆香爐潔

雲香廊陰縹草船檣偶焚紙錢紙旛旗立紅燭紅燈然五

穀金橘雜雙龍粉餐權我昨郡城攜水仙媵枸橈玳盤登枸

橈冰盃磨水仙唱讚長短申侑歌童叟續畧同鼓兒詞猶是

海鹽俗詼諧神其欣傳會人其欲拜跪倦頻更婦姑忙督促

幸夷櫛蕙楊雲車方風馬燈燭青有光翻翻欵來下庭喧雪

急灑廚黑甕煖烝先生首厭飫老子旁憐騰螿蟲螿竟可睡



蛇睡最能擁被既夜盡披裘復晨興郁老謝先生望之去若  
騁麻串幾佰錢篋簾册枚餅來年祝屢豐作社勞重整非羸  
渾舍喜且賺比鄰請醉不送神舞醒爲娛客歌鹿山右偃塞  
颺山左巍峩湖心百一堤柳絲蘸千波清明上塚好穀雨采  
茶多勤儉太平人我歌奈樂何

山中除夕

杖鄉杖國欠飛騰八十明朝柳栗鐙山擁東西錢氏舍湖收  
南北郁家滕僕酣與勸椒花瓊僮戲看燒蠟鳳燈離郡扁舟  
何太久祀先都付子孫曾

丁未

山中元日

梅花農舍卽吾廬人事鷄鳴各有初天上朝正心摠繫海濱

開歲髮還梳先塋山勢雲連合神道松林雪密疎逢着新衣  
笑相賀定無名帖答能如

新年出遊

舊年已去又新年去舊來新本適然天地蘧廬非傲吏二三  
鄰曲自斜川衆山漸綠全消雪叢木方春半帶烟窈窕崎嶇  
無不可躡跚着屐或之先

尋野梅

籬落微茫幾樹梅不扶童子獨尋來一筇老矣松坡雪雙屐  
愴然石徑苔相對早春惟淡泊無言盡日與徘徊山空到此  
知茶味香遠從之謝酒杯

見野梅

扶杖侵寒獨向春淡雲踈日忽相親穿籬枝折多經雪傍磴

花開不爲人下有江蘭亦香草夜來明月是前身盤陀石上  
莓苔坐未許襄陽畫幅巾

仙掌峯侍御先公書堂

天目蜿蜒鬱以舒南龍九十九峯初屋於高處非忘世志欲  
終焉此讀書冰雪衰柯晚鴉護石泉荒蔓老樵除寥寥陟降  
皆遺跡欲問無鄰歲月踈

吳家梅

九杞山灣慕樹叢前朝給諫許封公岡南礪北晴吹雪村口  
籬頭曉綻風自有兔園連玉砌不妨烟舍近牛宮今年花好  
田都好杏白桃殷菜麥豐

詹家梅

胡詹兩家山一隅西家梅種胡家無洲東泉放亦何取籬畔

德隣良不孤嘗拜詹翁春九十復來錢老雪髭鬚搖搖風竹  
難誇勁的的冰花可讓癯

將築萬蒼舍未能先語鄰曲以概其樂

外人相問莫相誇丈亦安知屋上鴉姑射本來非處子元真  
何處有桃花高天厚地常三祝南陌東阡其一家月出不聞  
山犬吠腰機燈火織緜麻

紫雲山

唐代記耕女紫雲常覆之入宮非艷色賦命偶應時王者蘭  
生谷騷人木有枝寄言與兒嫂幃釜亦何爲

颺山

颺山石馬沒燒茆太息人閒感易興踏遍咸陽春草路長陵

拜後拜昭陵

山有宋常家墳瑞明殿學士史部尚書琳之後元  
楊宣懋墳康惠梓也今石馬一不知誰家墓上物

西澗尋梅

鄧尉梅花尋未得，西溪梅樹未能尋。  
山中老屋雪還雪，澗上新年吟復吟。  
豈不參差如窈窕，曾非蒙密且嶮嶮。  
寒香何有蜜蜂出，初霽復來松樹陰。

峭寒

峭寒山寂寂，薄日天陰陰。  
人家炊烟起，散入青松林。

山中元夕

鳳城燈事樂無邊，車馬南城趣少年。  
迴數風光猶健在，得歸田里此歡然。  
湖濱翠黛如相笑，海上銀輪第一圓。  
長記螭坳簪珥日，殿頭幾度侍瓊筵。

郁家東舍作

多雨少晴風雪加，隔歲來伴老梅花。  
青田語隨桐壽記，仲瑛

詩任廉夫誇四圍山起大湖麓九里城低東海涯村落早春殊自在高林霽景照農家

憶雍正庚戌八月偕王五入萬蒼山延覽諸勝約結鄰西澗

曠然百年感誰爲總角交里閭有志業往來惟寂寥秋雨亦山屐松風亦山椒嘗立鷹窠頂同觀大海潮古賢抗長策茲日付濁醪莊子德克符旅人後號咷晚焉成進士暫爾官刑曹養親歸乃瘁衰絰殮荒泉渺然爲位所法源之僧寮西澗此泉石無人永夕朝

憶辛亥春祝大偕余至其袁花故居余先入萬蒼約祝大來山同過稷日

袁花君舊里春賞同山船君里右山近我山東溪邊騁懷秦

皇橋濯足滄海壖學道終有得入世全其天同郡多俊彥數

子相周旋風悲盡黃壤淚下如流泉

所極不念者吾宋明府偶圖乾隆己巳歿於江西陳明經乳巢

於蘇州

中書老不第落落塵網牽琳宮哭君殯念德成千年一

子才過逝諸孫稚必賢吾生行已矣陳迹徒悽然

拜族祖施南府君墓

府君器我幼相好歷萬端化民輒以德拙宦何汎瀾先塋自

明代面湖曰永安新阡澗西密連麓春陰寒先君墓在東明

月夜未關平生一楸坪松下時盤桓皇華道荆楚所去思罔

殫遺民秦隴山豫章高下灘蒼石焚冥鈔聾耳鳴哀湍同心

數子盡府君知此難

公先與宋明府偶同陳明經乳巢祝典籍豫堂友善雍正乙巳歲年十八始與三君同所溝習今拜公墓

同湖六十二年以  
來萬事蒼茫矣

食銀魚

二寸魚何小，千絲網不空。多煩正月雨，早送半帆風。鶯脰誇  
諸港，梅花伴一翁。糟牀聞已醉，太覺晚庖克。

修湖天游月樓將成

寄於郁家爨，修我丙舍樓。山麓萬松翠，祭田今歲秋。賞憑友  
書遠，歸賴

王恩優老得手相，理宵爲興且謳。

澉浦績麻曲十首

浸麻方績，麻績麻元是紵。大則養蠶，孃小則采桑。女  
一絲續一絲，論筐不論丈。切莫亂絲頭，何如紡車紡。  
采葛婦如何，葛覃風自古。績麻不婆娑，乃復有澉浦。  
若無紵擘，指拊得腰張。機若不買絲，去拊得賣布歸。  
腰機立兩木，生經素轉前軸。後軸坐縛腰，下蹋上抽速。



海灘晴曬鹽夏月勤種田復得腰機織男兒當有錢

春來不忙多績麻田家女兒雙髻鴉山花插髻且須插不采  
菜花蠶豈花

春來忙也摠隨孃一年績麻那必忙紅襖青裳齊換了觀音  
山北喚燒香

績麻有女織機男汲浦腰機他不諳大半木棉勝得繭東南  
女手卻如蠶

棉若紡紗寒布多麻如不績夏布何浦上海頭傳唱去腰機  
歌是績麻歌

雲濤莊是許黃門所築

書愛十年讀運爲三益閒惟應朱朴至或是董濤來松色近  
先墓鶴聲留廢臺杜家灣窻窰合抱見楊梅

楊梅樹一株  
三百年矣

金牛洞

廟訪蘇驃騎洞傳臬伯通鳥非無杜宇國實有蠶叢

鷹窠頂下孟姥泉

絕頂勢盤鷹曠臨滄海青上爲九曲逕中有三休亭灌莽雲  
泉澆松篁雪瀑聽幽人時一至相品汲雙瓶

小桃已作花

雨飄岸柳綠匆匆日出村桃破小紅知否宣南淡巷裏每嘗  
把酒祝東風

延眞院楊宣慰家梳粧樓

澈浦城何小延眞觀已空松飄三角髻磬定十樓風雜劇元  
人擅新塘海舶通薛增荒且寂祇益晚濛濛

里呼十間樓尚存

吾廬

吾廬寂寞亦寬閒，相隔杭州百里間。  
乍浦連村塘路轉，上虞對岸海潮還。  
今朝一杖看花出，昨夜雙扉聽雨關。  
此地坡公曾不到，漫言看盡浙西山。

菜花魚歌二首

一湖南北兩湖長，水網牽還芹網張。  
燕子飛來山筍出，菜花魚上菜花黃。  
巨口細鱗香比鱸，也名七步出西湖。  
貓頭筍更松花蕈，宋嫂羹湯定是輸。

南山

南山翠起沃焦頂，西澗清流盤石坡。  
竹樹田園都若此，耕桑兒女復如何。  
四周阡陌西湖少，兩境魚鹽大海多。  
丙舍關門任風雨，焙茶燒笋一春過。

捉白鰱魚歌五首

捲竹結紵網似兜竹竿湖面插成洲一繩纏盡竹着湖面拋  
兜着繩洲動浮

載兜划艇晚來風結網如兜十百同蒞草撒兜魚未出悄然  
山影落湖中

白鰱立夏肥且長生子夜跳湖面涼極樂近依洲草戲不知  
滾入網兜藏

竹竿嫋嫋繩是洲記拋一一網如兜五更划艇沿繩去兜裏  
魚多倒籠收

倒籠魚多動十斤偶然空網水汙汙賣魚六里堰初曉買米  
永安湖未曛

嘗從

嘗從老虎石邊瞰轉入黃沙塢裏遊  
山杖已愁芳草路野  
花還壓老人頭鶯聲滿樹堪攜酒春水如天好泛舟卻向湖  
西望殘照荻芽一片綠前洲

西礪五絕句

磊落石數堆曲折泉一脉待誰書屋居荒哉此泉石  
松聲寒坐石竹影靜觀泉人生亦幾何陶公三十年  
豈有不相思相思復相憶西礪古迢迢東風今側側  
礪上松萬株桃李松陰開不如辭礪去那必問礪來  
層陰樹挂壁一碧石流灣礪上數年時褒谷虎頭關

摘茶

蘿葛澈山邊分明穀雨前滿籃雲氣馥兩指露光鮮東麓花  
婆井西崖雪竇泉總來初焙後已聽竹爐煎

松花葷

茅草千山薙松花萬樹吹濃霏晴粉落鮮挺腐英滋雨露元  
相發根荖各自知盈筐猶帶濕入饌已餐芝

金粟寺

松檜蕭森影高高怖鴿翎碧山周六里金刹越千齡天冊吳  
碑日熙寧宋藏經余家收有熙寧藏經半卷尾頁款云大宋熙寧十年歲次  
丁巳十一月二十六日起首勾當寫造轉輪大藏賜紫沙  
巖人問多變滅東望自滄溟

哭姚侍御晉錫

入山甫隔歲返郡乃哭君藥餌荷見遺七箸猶餘芬師門早  
懷璞館課先策勲薄遊偕鄴杜壯節立霄雯廿年遂林棲雙  
扉絕垢氛華有先人田無曠子孫耘我歸益相好屢示近所  
文究極皆本原非惟討幽紛鄉賢企逸叟妙墨儲新芸同姓

可追配後來必流聞畫冊屬未竟抱恨老不勤世間成此缺  
淚落復何云酒漬空尚陳日斜那共醺人生亦各偶道在輒  
以羣城東青桂庭忍更蹋薛紋結念逢吉壤慰君起高墳

南湖泛飲

燈藥開花昨夜紅畫船相喚出城東鶉鴉聲散村村雨楊柳  
樓高面面風耆舊傳尋鴛渚社浪淘沙唱竹垞翁天涯芳草  
歸何定長此樽前一笑同

校王五丁辛老屋集鈔本寄還其令子攝知縣事

復於鄢陵

法源爲位卅年將衰經秋原痛所藏

君之沒封君之喪未終治命以衰經殮

後世相

知定誰某古來不朽豈文章之官有子駢緘懇同社惟余旣  
髦強蝴蝶芙蓉何處是三生石上月全荒

少日嘗同偶則乳集及君欲于祝大緣溪淮薄醉而

宿君乃夢人贈之詩云携君入塵後君才舉話三生庾信寒溪上小軒題夢綵  
年春盡見君來君於是賦句云芙蓉別後應無主蝴蝶飛來不記誰後見張孟  
有夢綠軒詩溪上綠陰開草堂中在水人家何處江南風絮悲啼小雨飛  
花所謂溪上小軒者非耶今年八十猶爲說此而時昔親交無一在者



蘇石齋詩集卷四十八

蘄石齋詩集卷第四十九

秀水 錢 載 坤一

戊申

上元雪

向晚霏霏灑曲楹  
油燈一穗雀門清  
畧無簫鼓鄰家鬧  
初得歌吟獨夜成  
蘭草徑山僧不至  
梅花鄧尉舫何憑  
海天松麓先塋靜  
郁老思余在郡城

寶澤堂花木

卽次嬌文杏從容艷  
海棠玉蘭宜月上  
金粟待秋涼  
最以堦墀近兼之  
雨露香客來  
浚巷裏任喚讀書堂

觀徐石麒印

尚書名氏見晶章  
望古無爲後裔傷  
已賣賀家橋別墅  
人間

三字可經堂

到墓屋九豐堂

郡城廿里着濃林九曲灣灣水到門春物儘隨新歲見舊情  
安得故人言親朋是事淒都斷田野經時媿獨存窗外梅花  
今夜月此生惟有感

恩君

九豐堂

歎扉鄰曲日相陪顧陸聞人自草萊

村北顧陸吾郡東吳時  
姓村西聞人宋代姓

西舍不

遙東舍近梅花初落杏花開鬪泥擔糞看齊出葱本桑秧買  
旋栽將及春分前夜雪早過驚蟄一聲雷

癸卯蒙

恩歸冬十二月十五日克葬張夫人于

九曲裏之原預營生塋戊申

歲

八十有一歲而復

爲之詩

克葬少相答預營初不奢山松及梅萼籬槿又蘭芽同穴如同室我家本汝家賤身安有此長以

王恩誇

永豐鄉

欲白玉蘭藥未黃金柳條永豐鄉裏舍九曲港前橋寂寞何寂寞逍遙且逍遙曹王廟相近可有賣錫簫

喜聞王師大捷臺灣賊已就擒

神畧多勞

聖主心海疆又捷武功音遙飛檣艣加

籌算迅戮鯨鯢悉縛擒四境豐年閩浙邇萬方壽域福威溥春風息息羣生樂紫極巍巍大德臨

欸村老酌

蹣跚欲去罷攜筇，刺啄能來滿笑容。  
海靖游氛翁定曉人多，喜氣盡須濃。  
梅花自伴微醺暖，白髮何辭久坐慵。  
祇向太平尋樂事，諸餘瑣屑不關儂。

叙村老話

盛世吉祥多善事，乾隆五十有三年從茲。

聖壽齊天慶

見上重華協

帝篇溪鳥溪花聞此語，村童村女早相傳。  
永豐鄉接都豐歲，芒種時催快種田。

墓屋東生墻後隙地種桑秧三百本

笑以他家丙舍方，寬然草墅未蒼涼。  
差羸庾信兩三竹，難較

成都八百桑春少雜蔬傭力嬾老多靜坐日程荒

室中雜物所分  
書五散雜蔬五

飲竹牛日耕坐牛日讀  
背之楹帖汪碧巢家遺物盈籠採向錢家墓我亦何知蠶事忙

顧老送紫藤三本輒作歌

北溟顧老解人意手掘紫藤艇搖至屋西苦棟風榭杳叢絡  
一本催之花兩本紆威走虺蔓齊收麗眼新籬笆紛來增添  
極點綴大不率畧殊奢華吾生此花弱齡拗裴島高樹晴麤  
斜京師廿春花幾架呂庭蔭院馮君家馮家海棠蜀府冠錢  
老粉繪徐熙誇朋箋北芒半寂寂禿髯南國空嗟嗟藤今吾  
有憑相屬花定如霞更如玉非關顧老惹成愁祇願花繁看  
到足

九豐堂二十四韻

白苧邱墟近青林坐臥頻市鷺吟趣乏野曠俗情真鵲口桑

開未桃花水到新長閒長一日獨樂獨三春粟里陶非我襄  
陽孟有鄰劉盧如顧陸嫁娶並婚姻禮樂文章世耕耘紡織  
人形骸勞則壽夷稗熟於仁半邇連先宅扁舟趁令辰戴公  
鵬試聽謝女絮隨因上冢當時記歸田着處親泥孩賣村廟  
盃瓊卜叢神海岸鷄聞越山區馬駐秦墓松依逼臘城雨返  
經旬小巷拋岑寂溪溪就朴淳不知扶杖手猶是入朝身際  
聖天方午登科歲在申晚榮心揔赤今落鬢空銀丞相  
衎衎曲豐臺芍藥晨貯瓶香影絕彈指夢醒均萬里行過半  
羣賢迹漫陳港流高壙結籬樹遠風振枝照仍呼盞英飄或  
掃茵莊周與胡蝶誰喜復誰嗔

陸侍郎費堦枉過村居

橋邊輕舫水邊村雞犬寥寥靜不喧九曲裏家春夜宿廿年

來事 帝城論官階名第同差後兒女婚姻許是孫小圃梅  
花香兩樹滿窗明月一開樽

村居

村居誰謂閉門高夜雨憑添水半篙楊柳初絲亞文杏木蘭  
如玉照櫻桃王官谷小杯同注華子岡潑犬夜噪短杖一枝  
扶便出西阡北陌又東皋

籬門

籬門開闔野田香楊樹灣東近漢塘曉露滿畦蠶豆綠晚風  
連頃菜花黃年光只有春來好日景誰知老去長村裏乞書  
尋乞畫白頭成笑不成忙

裁翦所種墓松

墓松手種四經霜擁岸周籬歲漸長陰茂土饅頭翠色花開



九曲裏風香披枝擢幹先除蔓養稚擢枯勝斫桑翁仲雖無  
森左右楓杉行並出尋常

插槿幾年舊冬織籬白丈春來栽野卉附籬都遍

爰得詩

野外今栽有竹笆籬根春遂寄叢花株株溪友村童送日日  
溪鉏細縛加條弱蔓修綠上壁薔紅藤紫爛成霞隸人也解  
非槿竄給酒何煩一斛誇

屢夕夢見故人

晴拓虛窗雨掩門梅花開落更誰言沉冥獨夜常無寤勞動  
諸君數見存何厭一塵生倦枕不辭千里熟荒村小童喚喚  
燈飄燼淒斷來覓條去覓

憶當年陳丈詩句爲寫成之

錦帶河邊嫩柳絲  
寶花倉口夕陽遲  
新愁不斷拋金翦  
舊夢無痕上翠睂  
付與虹亭傳本事  
淒然鄭驛是當時  
婆娑此樹何心賦  
搖落今來合對誰

南九曲

永光寺破宋朝名舊址  
聞莊讀且耕聞人南港幾灣星聚落  
東風多樹鳥飛鳴  
吾廬不遠斜陽見  
野艇重來細雨生  
吳下相傳從假借  
馬蹄曾向梓潼行  
七曲山九曲水經過梓潼神所居始信真九曲

家學士大昕撰廿二史考異先寄己刻史記漢書

兩峽報以四韻

困學前惟王伯厚  
曰知近有顛亭林  
儒家獨起山川秀  
史籍旁搜歲月浚  
但乞遠書長隔面  
勿言多病突驚心  
鳳城是事難忘記  
蘭臭如君數往尋

小店

小店青帘又夕陽  
兒童竿木也逢場  
丁丁絃響村風急  
灼灼桃開水岸香  
富厚易傳蘇季子  
是非難管蔡中郎  
不成買醉欣然坐  
搖鼓婆娑自賣糖

水廟

柳橋桑岸復何因  
紅色旗竿處處新  
穿繭作燈村女獻  
縛船將草野巫陳  
農蠶往歲皆如願  
土地今年倍有神  
好及雨風寒食後  
都來香火太平人

九曲二首

九曲灣環綠浸涯  
一筇不子鬢髮髭  
圓梅南北半飛片  
籬卉萬千齊報芽  
落日松杉生壑聽  
暮春錦繡鬼鄰誇  
卻逢祭掃頻相問  
隔水高墳是邵家

邵家水北墓徐張今代叢叢異代荒鬼亦有鄰先問訊宅寧  
無廢後悲涼墦間本祭從猶愈上世誰銘闕不妨切被  
至恩難報答生存零落摠天光

朱老送小黃楊梧桐

趁雨移根太有情因緣觸撥劇分明雖經閨月嘗逃厄也向  
朝陽實幸生水北諸家多所致橋南數本又相迎種來他日  
看高矮好在春風自悴榮

北浜徐家杭州燒香歸送竹籃

西子湖邊路短長幾年不到問春光

聖因寺柳

行宮碧天竺山花佛國香憐得竹籃人賣處劇于蓬島夢飛  
將六橋桃樹開寒食瓜艇綠堤半夕陽

清明

早起籬門卯色天  
犬聲落落鵲聲傳  
踏青人出村無雨  
上冢船回樹有烟  
海上遠山看此屋  
城南新火伴今年  
蠶花祭後  
忙催剝豆莢  
桑枝徧野田

永治蠶家謂蠶神曰  
蠶花祭必以清明夜

兒村人去曹王廟燒香

柳長橋短碧溪隈  
白叟紅娃小艇催  
春社早聞村鼓賽  
廟門遙對海雲開  
功曹事有錢塘至  
武惠兵非越國來  
落日兒童應未轉  
竹笙吹得買泥孩

上巳獨居感舊遊二首

綠楊裊裊燕翩翩  
如此風光孰與論  
寶所山明堤上舫  
豐臺花麗水邊村  
長安不遠仍三月  
芳草難歌又幾番  
寂寂湔裘人未見  
野船搖過夕陽門

上巳已過寒復暄碧雞坊更樂遊原海棠三月一春好晴日  
紫藤紅藥繁天上不愁無白髮人間何苦有青尊試尋朱五  
槐陰院重叩馮家澍雨園

上張夫人冢

掃此新阡尚不難松遮高蓋下飄蘭子孫老幼輕船至風雨  
清明幾日寒祭榼踈陳君且笑紙錢焚送我旁觀先塋願徧  
澗秋拜倚薄筇杖且漫歎

泛舟

綠鴨波晴晝催暖赤馬船輕人喚伴意行有路波搖搖路轉  
無心船緩緩朱家村西穀雨將山月涇北清明方麥苗沿岸  
荳花香菜花滿田水滿塘桃樹斜紅李花白參差楊柳灣寬  
窄灣前灣後園竹桑港長浜短墳松栢小店叢祠石橋跨三

間五間屋兩舍男但鴉鋤女但機春之社鼓冬之蜡海上遠  
山百里間山外隔江見越山槩牙蝴蝶飛相逐吹急東風又

一灣

村屋式多三間  
兩舍五間兩舍

至舊村

中錢望南錢一里接阡陌岸岸仍竹桑咄咄多荳麥南則臨  
江居中惟兩涯宅食德尚留貽歷年將四百先君持我來童  
子未五尺港北復港南搥衣拜耆碩港南鍼線嘗港北酒漿  
亦陳俞兩孺人

港南古謂樓從曾叔祖母陳太夫人港北原  
正堂從叔祖母俞太夫人其時尚未嘗封典

難忘齋提攜

劇兩房子也才所必振霄瀚雖貧氣象繁於古禮儀適太常  
承啟堂講學聚縫掖二十六歸田廿二史垂冊雨風長蒿萊  
鼠蠹散經籍最後誰毀諸村鄰買柱礪孫枝遽冠紳王路均  
世澤裔遠族憑收力稀心蓋迫 恩歸歲欲到獨老此尋迹

南樓桐久死拜石軒存石諫草堂又蕪半完圃何窄板橋立  
杪樹綠水飛雙隻腸迴甲子周淚落光陰客東西各村村本  
不一村柵諸房村塾師數處村扉隔先塋太尉廟三穴其松  
栢化城逮彭城松栢更叢碧永安湖上山大海見潮汐其北  
先墓林葱籠絡山脈考妣四紀餘祔西安體魄塋城侍御藏  
子孫祔窀穸地皆百里近寒食挂帆席太常顯忠祠栗王大  
夫拓蒼然縣城街過者敬無數港南慶原堂勅詞用題額直  
諒多聞臣高楹照荒僻侍御繼太常璫鑿克斥松溪令比  
還故明鼎己革村東馬家廟病遷易其簣祠屋鹿山摧天乎  
許重闢諸孫郡城俱識字幾褻屐早圖熟莢稗行偪寒絺綌  
同柯每悴榮旣富庶裒益先蠶春風春先廬夕陽夕詩書足  
恒產仕宦慳長策無田今亦祭不善非可積如延忠孝家詎



慕文章伯少日先君言義庄傳在昔執鞭求豈膺從井隘徒  
阮俯仰重屏營吁嗟但衰白諺云近墨朱其別者黑赤善則  
雞鳴舜不善雞鳴跖苑枯必由根甲圻必由核我方多子孫  
披懷自申責

午晴

纖纖昨晚雨皓皓今午晴高天不如是萬物焉得生遍灑田  
畦脈齊舒草木萌有桑先飼蠶多麥旋喚耕雨今信我澤鳩  
亦隨其聲小堂見新燕幽谷思黃鸝籬藥競吐蓄庭枝已結  
櫻筍根出尚遲頗待雷車轟薄遊約南廟小船借西浜攜酒  
可滿壺頃僕來自城

欲歸郡城

野外誰云所得希空鈎并弗向苔磯春難不老花俱落柳亦

何堪絮自飛，男婦忙應鷺。月始游閑我，盍郡城歸多煩鄰老。  
來相歛，且住荒村換袂衣。

曹王廟

橫港春暄進小航，雲風車馬望斜陽。杏開橋跨村團社，叟拜  
爐焚女挈孃。連歲來稀收穀少，今朝歸卽養鷺忙。老無遊伴  
聊尋迹，定有神明也熱香。

訪故至鐵店浜東圩滙南三首

訪故扁舟東復西，朱墳倪宅摠淒迷。母家族黨心長繫，兒日  
劬勞口欲啼。水廟石橋存只冢，草廬花圃失何蹊。城南隨侍  
康熙歲，張嫗都亾落照低。

先夫人嬭張嫗以九十歲歿于乙巳春葬永安湖先塋後之東塢

外祖母憐生一女，先夫人逮事雙親，偕攜舅氏倪翁宅始見  
村天季月春高，絡紫藤環樹密，淺穿白練，挺篁新百年已分。

成拋撇何苦兒時迹併湮

暮雨無情送客還  
迴船漠漠淚潛潛  
老惟尚作錢家裔  
兒實難忘母氏顏  
承啟堂寒蝌蚪水  
永安湖靜鶉鳩山  
明春誓復依先業  
仰伴松陰定不慳

朝晴

亭午門前望欲遮  
雨晴晴雨樂無涯  
村村綠靄桑榆葉  
陣陣香風菜豆花  
野老何知蒙帝力  
春光最好屬田家  
初扣蘆筍將飄絮  
不礙南溪又放查

至安橋張氏二首

石橋挺挺水溶溶  
村宅依然竹樹重  
外舅外姑悲未見  
諸郎諸壻記相從  
獨携密節桃枝杖  
再展高原馬鬣封  
親故何人皆往昔  
孫曾幾葉且雍容

乙亥春借張夫人祭其先墓

書舍多鄰午爨烟木蘭高山草堂榜見栽此樹方三月已過  
人間半百年雍正壬子冬婚明春始來安橋木蘭初種客去未逢花朵盛春歸難遣酒  
杯前常談八十一翁聽積善由來朝夕延

茶舫歌八首并序

袁方伯鑾屬題鴛鴦湖茶舫圖得讀其從兄明府枚之跋先  
生於載同徵又翰林前輩庚子秋金陵別後丁未冬見訪不  
值元年先後薦舉二百六十七人五十年以來海內公車故  
人意惟簡齋在矣卽事懷思能不憮然遂拉雜寫之蓋同此  
鄭重

拋卻西泠燕尾舫鴛鴦獨延緣莫沽蕭九孃家酒時出  
煮茶亭子烟

清涼山後阿兄題大令名看小令齊三月柳遮江路永十年

人隔夕陽

低

簡齋所居曰晴園在清涼山後之小石山

金陵城北話斜陽五十年來墮渺茫  
難得隨園秋水上芙蓉

千樹兩甌香

可待明年三月來便將小舫兩人陪  
湖天海月山無隔橋李

城南稷飲杯

十里菱花雜藕花白蘋紅蓼碧無涯  
不妨甫里通江處且試

端明給事茶

山杜鵑開殿雨新筍皮鞋踏采茶人  
南高峯下初陽曉長向

春遊記丙寅

姚家憑說米家同那必滄江貫月虹  
今日却成茶舫曲舊情

須不付東風

吾家澈上茗花多亦有輕舩畧似梭  
攜得竹爐秋采去青山

影裏唱茶歌

蘼石齋詩集卷第五十

秀水 錢載 坤一

已酉

獨坐 并序

俯仰天地門無親故去年八月末疾乃嬰今且八十二歲記  
明人四書文春而暮也春將去矣暮而春乎春猶在也此境  
適合昨得句到處敲門問牡丹不能成篇越日補綴此

獨坐難獨語晝思甚夜思此身所被恩恩亦惟獨知世無與  
重輕我則相本末况于坐不立今也殆成躄足氣何不生望  
春已過春襄陽耆舊間半也猶稱人上冢付駸駸折花看短  
短連朝思牡丹皆曰及春暖往嘗夢飛行高下不啻嬾客固  
諒哥舒仙稀逢幸靈

庚戌

到九豐堂信宿村老多見過

梅萼初殘杏萼新  
晴朝雨晚忽兼旬  
條來徒有故交夢  
半爾不如前歲身  
喚艇燒香遊寺緩  
澆桑壅竹補籬  
真金年早說諸家  
好同樂乾隆壽域春

辛亥

牡丹新種花時有一朶同心者遂爲誇之

越花超絕對徐徐  
寶澤堂階穀雨餘  
千葉淺深分背向  
一苞濃淡互含舒  
思公屏上恐無此  
永叔譜中曾未書  
莫以雙頭紅作伴  
便教得地可能如

陸放翁天彭牡丹記云雙頭紅者並蒂雙萼養之得地則歲歲雙不爾則間年矣此花之絕異者今此

花浴花所未有則自是越花矣且非並頭可比

坐寶澤堂錄昔遊攝山所見石壁高處詩



牡丹新種得花小解含情薄情苔蘚最偏蝕石間名

不剝若問久  
春來樹樹花

多若能屏跡爲客慣烹茶屋挂青山角橋橫綠水  
澗山中真宰相何羨葛川家題與人名皆莫辨

朱西村八十一歲所畫月林卷有許雲村相卿徐

豐崖泰陳勾谿鑑董碧里毅先太常公題句裝而

詩之

西村朱先生社會小瀛洲七十有八歲十老相唱酬子孫至  
今西村居屋分舊港籬環墟家家耕桑多老壽令人對此長  
歛歔此卷成時早成社諸耆英齒皆其下雲村碧里太常諸  
賢猶是社外人將三百年那不焚香再拜吟且把

其自題詩云黃  
葉蕭疎委綠蕪

道人經卷對薰爐夜深一片  
清秋月石壁蒼苔影影孤

盆荷不高感賦

萬蒼翁開寶澤堂百福巷穿鳳池坊天許病猶常共住老來

詩更不成章初更簷蝠掃塵淨五月瓦松滋蔓荒種藕清明  
前及早盆池葉短肯花香

題沈明經振麟倚擔評花圖

繡簾揭處定知音春愛晴來亦愛陰二十四番風太好年年  
吹老看花心

壬子

語永豐鄉人

梅杏桃開次第看幾番輕暖倚輕寒堰高作廟神斯妥村近  
燒香衆所安秋月郡東南白苧石橋溪上下紅欄來朝放鴨  
船須借楊柳絲絲遍蘆灘

題南樓陳太夫人秋塘花草蟲魚卷子二首

早待南樓最小年從曾叔祖母深憐白頭自惜徒衰矣橫卷

相逢輒泣然

蘇家圩裏墓門蒼七十年來未渺茫只合泊船焚蠟拜松柯  
楸葉仰思量

載以雍正壬子科副浙江鄉試榜今乾隆壬子科  
六十年矣得循恩例九月十二日鹿鳴宴重赴  
有述

深被

君恩一瓊醇中丞堂做接如賓冷冷魚麗南陔古濟濟天香  
桂子新八秩早開扶杖者

三朝生長太平人未能遍語諸先輩感極歸田已十春

憶西湖

高峯南北雨還晴別却西湖歲幾更秋日柳非春日柳老年

情重少年情梅花此際逋仙墓葍菜何時內史羹烟掉瞿塘  
廻亦得不須重與話三生

癸丑

春正十二日到九豐堂早起陰

北枝纔發發南枝邨落微寒豆麥滋細雨濛濛土膏動老夫  
却許勒花遲

出籬門

逢迎栗里指桑麻牛背童騎卽戴家楊柳陰中溪上句從來

本分有生涯

收得戴嵩畫水牛於玻璃廠既題而藏之久矣茲以注故錄其所自題四言而傳之嗚傲烟霞本分生涯燒其煮豆

墟葉煎茶日出則藝月上歸家塙頭烟盡厨裏分飽裝衣當被草薦糖遮  
爺辰鋤地娘夜緝麻哥爲門役嫂閒紡花一春生計早起無差時廣德癸  
卯歲仲夏月望日戴嵩識然則唐詩之散軼者尙有也

上元夜九豐堂

佳節頭番拉復行，  
基廬偏愜老人情。  
別村遠見田籬開，  
歲豐農家

高竿縛稻草雜燒  
星炮日燒田雞

近舍寂無簫鼓清，  
頽白隣辭醪一瓊。  
昏黃梅

伴月三更耐寒轉，  
憶家人樂丞相衙。  
衙住外城

至張夫人塚

此是人間隔世緣，  
也知歸日豈無年。  
別離十四番冰萼，  
付託兒孫輩硯田。  
上界徒看黃漠漠，  
陳根且緩碧綿綿。  
九豐堂靜能無夢，  
不見來尋本適然。

永豐鄉九豐堂

吾廬寂寂起炊烟，  
野望駸駸穀雨天。  
樵李本來爲果木，  
乾隆真是屢豐年。  
青疇菽麥幽風句，  
曲港蟲魚爾雅篇。  
百里無山行見海，  
一聲欸乃櫂頭船。

小住

墓屋暫如家家翁瘞石耶東西與南北雞犬復桑麻歲長叢  
叢樹春多艷豔花無人來啟齒小雨自燒茶

連雨

十日五風好三春二月侵自天常有歲及物豈無心夜靜桑  
麻足村遙竹樹陰灣洄橋岸轉曲曲刺篙深

西舍

堂西矮屋兩三楹種竹年多竹已成有地葬身天實感無方  
醫俗理何憑雨風守墓人堪任蒼翠穿籬筍又萌記得趙吳  
興句子也思歸去聽秋聲

其得意可知也

藏有吳仲圭墨竹卷其一段題云我亦有亭脩竹裏也思歸去聽秋聲文敏之詩

婁師德

順人則必易逆人則必難吾思婁師德吐面乃自乾

吾畦

吾畦勤灌草，勤芟鄰曲歡。然任往還不碌碌，來常碌碌得閑閑。在且閑閑杏花桑葉能無樹，員嶠方壺可有山。已近清明將上塚，春光報答總應難。

芝瑞草也。昨歲王子春張夫人塚，南北左右生百十本。乃題楹帖天麻靜迓，惟爲善祖澤長延。在讀書以自儆，而勗其子孫。茲更詩之。

何所得於天，祇應澤自先。謾言松柏茂，其下有芝田。  
晨起課種桑

老民來誠細，民荒五架三。間出主張杏，萼元隨柳絲。碧麥苗須及，菜花黃天陰。陰未雞頭鶻，日暖暖先雀。口桑坐享太平能，不感永豐鄉裏九豐堂。

觀祭埽張夫人墓

八十六翁竹椅憑籬東新買菜畦增土饜翠色清明曉楮鏹  
紅先拉雜升樹有杉槐松柏樹人多男女子孫曾村鄰翁媪  
挈攜至野鳥鵲鴉鳴喚與

憶丁巳京師春正城南

宣南坊底巷西東寥落飛揚酒棧中寶馬香車譙鼓急不勝  
惆悵落燈風

二月下澣夜枕上作

春將三月半春虛獨自先陰肯費除行藥脩脩開霽後坐禪  
寂寂上關初東厨粥飯炊憑熟明日筵籬結且疎三萬六千  
猶膽幾重經丁外待何如

荷花紫草田



撒子出茸茸畦分菜麥中低低花紫白簇簇露深濃寒食爵  
泥膠嘉禾膏雨同幾煩勤灌溉常足壯培壅鋪琰眠應愜盈  
箱貯已願興謠當芸鼓傳向別州農

清明見新燕

上塚全家昨已回竹園生筍早驚雷病翁可有今年喜斜掠  
晨光入卧來

汎舟

南九船通北九搖北圩先誇八條橋邨邨瓦屋花纔放曲曲  
柴門漲漫消舜跡支離齊國蚓助念苑忽宋人苗欲晴不雨  
鳩無語唱與東君一笑嘲

九豐堂小庭木蘭花重臺

亭亭莫喚女郎花雙瓣仍看映綠紗那不手將春十倍郡西

傳向牡丹

前年春實澤堂  
誇牡丹一朵同心

義田行

天之生物栽者培我思范公敬且哀義田之義由孝推惟其  
無田無以活太夫人乃挈我孩知而獨歸借里寺斷齋粥  
孝心塞九垓嗚呼昊穹豈不鑒然而久始奉母廼然而久始  
奉母廼哀哀公孝特立堪三才歲寒堂高高崔巍春風萬古  
驅秋埃易云積善書作善又聞小徃則大來元氣醞釀深胚  
胎小子何能誦公哉

追記百二十六歲壽人王世芳

并序

浙東秀才王翁以百歲祝

釐初來京尋載於繩匠衚衕屬書堂額記其祖父皆年逾九  
十其時穩步不像百歲人又十年復來亦不扶杖又十年復

來寓全浙會館載先過之見其兩子隨侍皆八十歲外載既

歸里久莫能詳尚記蒙  
恩賜國子監學正而里人謂其歸後復活六年云

祝

釐三度鳳城還百歲初逢鬢未斑五省分居纔四世地行仙  
本在人間

聚文週歲

視兒爲善有長春寶澤堂開世澤新今日曾孫醉盤設老夫  
湯餅會中人

聖賢詩集卷五十